

Hebr. 13. versu 4. & Epiphanius ipse, ἡ δὲ θεοῦ ναὸς, ait, τὰ ἐν ἐκκλησίᾳ, πάντα ἐπιβάτῳ δέχεται, id est, non modò cœlibes, sed etiam coniuges. & idem, ἡ δ' ἀγία θεῶ ἐκκλησία ἔχει μὴ γάμον σεμνὴν καὶ τιμᾶ τοιοῦτον. Allegant autem pro se primùm dictum quod aiunt esse Christi ex falso Euangelio quod vocant Secundum Ægyptios, vbi sic legi volunt, Veni ad dissoluendum opera fœminę. Sed Clemens Stromat. libro 3. qui prolixè aduersus primos huius erroris authores disputauit, non modò librum nihili & apocryphum esse docet: sed etiam vocem fœminę pro intemperantia & praua cupiditate sumi ipsis illis interpretibus ostendit. Deinde afferunt exemplum Gymnosophistarum qui inter Persas laudati sunt, quòd abstinerent coniugio. Sed frustra & perperam ad fidem Christianam stabi- liendam profanorum hominum exempla nobis ob iiciuntur. Est autem coniugium sacrosancta Dei institutio, vt docet his verbis Christus, Quod Deus coniunxit, homo non separet, Matth. 19. versu 6. Denique si coniugia damnanda sunt, ergo & homines omnes, & liberorum procreatio, quia sunt fructus coniugii, in quo tamen ipso fœ- mine salutem esse demonstrat Paulus 1. Timot. 2. versu 15. 2 Error, Apostolos omnes cœlibes fuisse & perpetuò vixisse contendunt. Falsum etiam istud est, quemadmodum Paulus ipse docet 1. Co- rinth. 9. versu 5. & arguit textus Euangelii, Matt. 8. versu 14. præterea testimonio Clementis Ale- xandrini, Strom. lib. 3. reuincuntur, qui de Apo- stolorum coniugio disputat, cuius sententia etiam repetita est ab Eusebio, libro 3. Histor. cap. 30. 3 Damnat eos qui aliquid proprium possident, quasi exfor-